



## IZVJEŠTAJ O RADU UPRAVNOG ODBORA za 2020. GODINU

Zbog pandemije uzrokovane virusom COVID – 19, rad Upravnog odbora, kao i SSR u BHRT-u u cjelini je u 2020-toj godini bio izuzetno otežan što je imalo za posljedicu nemogućnost realizacije određenog dijela aktivnosti Sindikata predviđenih Programom rada SSR u BHRT-u za 2020 godinu.

Iako je plata umanjena za 10%, nije došlo do otkaza radnicima, što je bila posljedica pandemije u mnogim firmama.

Broj članova Sindikata se nije bitno promijenio u odnosu na 2019. godinu, te na dan 31.12. 2020. godine iznosi ukupno 487 članova, a od toga je 13 članova penzionera i saradnika.

SSR u BHRT-u je u 2020. godini poslovao negativno u iznosu od **13.800 KM**.

Najbitniji razlog negativnog poslovanja je isplaćena pomoć članovima sindikata, po 40 KM, u ukupnom iznosu od **19.600 KM**.

UO SSR u BHRT-u je u 2020-toj godini održao 7 redovnih sjednica i 5.vanrednih elektronskih sjednica zbog pandemije Corona virusa.

U januaru mjesecu 2020. godine realizovan je ispraćaj članova sindikata koji su u toku 2019 godine otišli u penziju. Ukupan utrošeni iznos za ovu svrhu iznosi **2520, 00 KM**.

UO sindikata je izabrao da knjigovodstvene poslove obavlja Moja agencija.

Usvojena je odluka o održavanju Skupštine sindikata 12.03.2020.godne.

Sindikata je uputio inicijativu za realizaciju rampe za parking za uposlenike RTV Doma.

Sindikata je postavio i pitanje rampe za invalide i planirano je da se uradi rekonstrukcija cijele recepcije zajedno sa rampom za invalide. Prelazno rješenje za invalide je da se oslobodi ulaz sa zadnje strane RTV Doma kako bi mogli nesmetano ući. Kada je u pitanju kućica ispred RTV Doma, rečeno je da je u procesu rješavanja ovog pitanja.

Zbog pandemije UO Sindikata je jednoglasno usvojio inicijativu rukovodstva sindikata za nabavku zaštitnih maski za sve radnike BHRT-a.

UO sindikata je jednoglasno usvojio odluku za nabavku zaštitnih vizira za radnike BHRT-a, koji su najizloženiji kontaktima sa većim brojem ljudi u RTV domu. Viziri su podijeljeni radnicima u službi osiguranja koji rade na ulazu u RTV dom, vozačima i radnicima u ambulanti, kako bi zaštitili njih, ali i one sa kojima dolaze u kontakt.

Plaća uposlenika BHRT-a od marta mjeseca umanjena je za 10%, na osnovu Člana 6. Pravilnika o plaćama i naknadama. UO Sindikata je jednoglasno donio Odluku o potpisivanju novog ugovora sa Adriatic osiguranjem koji ističe 5 maja 2020.godine.

UO Sindikata je usvojio zaključak da se izdvoje sredstva kao jednokratna pomoć za članove sindikata u iznosu od 40KM.

Jednoglasno je usvojen novi Pravilnik o finansijskoj pomoći za članove sindikata koji je stupio na snagu 1. jula 2020.

Tender za HTZ opremu je prošao u septembru mjesecu i sindikatu je rečeno da će se kompletirati oprema za sve radnike u skladu sa pravilnikom.

Sindikata je tražio da se prime u radni odnos saradnici koji rade duže od godinu dana na BHRT-u, s tim da se konsultuju rukovodioci odsjeka i odjela.

Dana 08.10. 2020. godine BHRT je u skladu sa članom 94. stav 1.a) Zakona o radu u institucijama BiH dostavio SSR u BHRT-u akt broj 101-2383/20 sa prijedlogom dopune Pravilnika o sistematizaciji BHRT-a, na način da se uvodi novo radno mjesto: Savjetnik generalnog direktora. Uz akt je dostavljen i opis radnog mjesta i zatraženo je mišljenje sindikata.

SSR u BHRT-u je dana 13.10. 2020. godine zatražio od BHRT-a da dopuni prijedlog brojem izvršilaca i KSP-om za to radno mjesto. Menadžment BHRT-a je SSR u BHRT-u dana 20.10. dostavio traženu dopunu.

UO Sindikata je jednoglasno odbio ovaj prijedlog menadžmenta jer smatra da ne postoji potreba za dodatnim radnim mjestom Savjetnik generalnog direktora i da bi jedino pravo rješenje za BHRT i njegove radnike bilo donošenje potpuno novog Pravilnika o sistematizaciji.

Postavljen je upit menadžmentu o svim prijedlozima i reakcijama sindikata u proteklom periodu koje je sindikat predložio i poslao menadžmentu, a za koje nije nikada dobio nikakav odgovor. Istakao je da je u proteklom periodu značajne inicijative sindikat uputio u vezi prava radnika i da se po tim pitanjima menadžment jednostavno oglušio.

Menadžment je informisao sindikat da je raspisan javni poziv za prodaju zemljišta (koje se proteže do mosta na Alipašinom polju) nekih cc 30000 m<sup>2</sup>, u svrhu izgradnje kongresnog centra.

Raspisan je tender za nabavku opreme za brzu rezervu. Sindikat je tražio od menadžmenta kupovinu poklon bonova za radnike za Novu Godinu.

Sindikat je insistirao na pregovorima oko kolektivnog ugovora, iako menadžment nije bio za pregovore, na način da se razmatraju djelovi o radnom vremenu, radu na terenu, zaštiti na radu i odnosu sa sindikatom. Pravna služba će dostaviti primjedbe na ove djelove Kolektivnog ugovora do 06.11.2020.godine, nakon čega će sindikat dostaviti iste pravnom zastupniku sindikata.

Menadžment je pokušao izraditi novu sistematizaciju po principu da je najniža plaća osnovica i da se smanji raspon svih plaća što je sindikat i tražio. Za ovakav model sistematizacije je neophodno još 30% sredstava.

U decembru mjesecu sindikat je dobio misljenje menadžmenta na prijedlog Kolektivnog ugovora i nakon što su urađene konsultacije sa pravnim zastupnikom sindikata, isti je poslan ponovno menadžmentu na razmatranje.

Povrat sredstava od Adriatic osiguranja sa kojim sindikat ima ugovor o saradnji za registraciju vozila za članove sindikata na rate iznosi za 2020. godinu **1354, 87 KM** i isti je uplaćen na račun sindikata.

Samostalni sindikat radnika u BHRT-u je na osnovu Pravilnika o dodjeli finansijske pomoći članovima Sindikata izdvojio ukupno **17.840,00 KM**, a što je manje za **1.910,00 KM** u odnosu na 2019.godinu.

UO sindikata je usvojio Odluku o poklonu članicama sindikata za 8. mart u iznosu od **5076,00 KM** kao i Odluku o kupovini poklon bonova za djecu članova SSR u BHRT-u, u iznosu od **3332,00 KM** obzirom da zbog pandemije nije bilo mogućnosti za organizaciju predstava za djecu.

Usvojena je Odluka o utrošku sredstava za kupovinu promotivnog materijala (kalendara, olovaka i upaljača) za svakog člana sindikata u iznosu od **1921,47 KM**.

Upravni odbor  
Samostalnog sindikata radnika u BHRT-u